

धिन धिन धाम अमरपुरोजी,  
दोहा धिन धोरां धिन नागाणा,  
धिन संता रो देश,  
धिन लिखमोजी धाम बनायो,  
अमरपुरो ऋषिकेश ।

धिन धिन धाम अमरपुरोजी,  
लिखमोजी अलख जगाई रे संतो,  
गुरू शरण रे माई ए हा,  
सेजे सुमिरन माला फेरी,  
सेजे सुमिरन माला फेरी,  
हरि रा गुण गाई रे संतो,  
गुरू शरण रे माई ए हा ॥

रामूजी माली सोलंकी रहता,  
रामूजी माली सोलंकी रहता,  
बडकी चेनार माई गाया,  
राख बाड लगाई ए हा,  
सिद्ध संत नागाणा आवता,  
सिद्ध संत नागाणा आवता,  
भाव रोज कराई रामूजी,  
सतसंग करता सवाई ए हा ॥

१८०७ आषाढ सुद पूनम,  
१८०७ आषाढ सुद पूनम,  
रामूजी रे घर माई रे वटे,  
हरख हरख बधाई ए हा,  
ब्रम्ह मुहर्त मे बाल जन्मीयो,  
ब्रम्ह मुहर्त मे बाल जन्मीयो,  
लिखमोजी नाम धराई खेती,  
करता वे मन चाही ए हा ॥

अरे बछ्छडा ने बेल गाया चराता,  
बछ्छडा ने बेल गाया चराता,  
गाँव पूरो मे आयी रे संग मे,  
हिन्दू मुस्लिम भाई ए हा,  
खिमजी ने वे गुरू बनाया,  
खिमजी ने वे गुरू बनाया,  
ग्रहस्ती साधु बन जाई कोई,  
भेद भाव ने मिटाई ए हा ॥

अरे पानत छोड़ जागन मे जावता,  
पानत छोड़ जागन मे जावता,  
हरि करता सिंचाई,  
लिखमोजी रो रूप बनाई ए हा,  
गाँव पूरो ने अमरपुरो बनायो,  
गाँव पूरो ने अमरपुरो बनायो,  
दर्श हरि रा पाई रे परचा,  
चार वर्ण ने दिरायी ए हा ॥

१८८७ आसोज बद छठ,

१८८७ आसोज बढ छठ,  
निवन पंथ बताई रे पूजा,  
गेनदास ने बताई ए हा,  
माली छंवर कहे सतगुरु सामरथ,  
माली छंवर कहे सतगुरु सामरथ,  
परदे परचा दिराई धाम,  
अमरपूरा मे जाई ए हा ॥

धिन धिन धाम अमरपुराजी,  
लिखमोजी अलख जगाई रे संतो,  
गुरु शरण रे माई ए हा,  
सेजे सुमिरन माला फेरी,  
सेजे सुमिरन माला फेरी,  
हरि रा गुण गाई रे संतो,  
गुरु शरण रे माई ए हा ॥

प्रेषक मनीष सीरवी ।  
(रायपुर जिला पाली राजस्थान)  
9640557818

Source:

<https://www.bharattemples.com/dhin-dhin-dham-amarpuroji-likhmoji-alakh-jagai/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>